

CYNGOR SIR YNYS MÔN	
PWYLLGOR :	Pwyllgor Sgriwtini Partneriaeth ac Adfywio
DYDDIAD:	2 Chwefror 2014
PWNC:	Tîm Ymgysylltu Rhanbarthol (TYRh) – Trefniadau at y Dyfodol
AELOD(AU) PORTFFOLIO:	Y Cynghorydd Ieuan Williams –Portffolio Datblygu Economaidd a Chymunedol
PENNAETH GWASANAETH :	Dylan J. Williams
AWDUR YR ADRODDIAD: Ffôn / E-bost:	Aled P. Davies 01248 752479 / AledDvaies@ynysmon.gov.uk

1.0 Pwrpas

1.1 I ddiweddarau'r Pwyllgor ynghylch y trefniadau rhanbarthol newydd (drwy law y Bwrdd Uchelgais Economaidd) i ddarparu cymorth a chefnogaeth Ewropeaidd i brosiectau a sefydliadau lleol, gan adael i Aelodau adolygu a rhoi barn o berspectif Ynys Môn.

2.0 Cefndir

2.1 Cafodd y Bwrdd Uchelgais Economaidd Gogledd Cymru ei sefydlu i gydlynu blaenoriaethau datblygu economaidd ar lefel ranbarthol mewn ymateb i'r pwysau ar gyllidebau cyhoeddus yn dilyn y dirwasgiad. Mae adfywio economaidd wedi ei nodi fel maes allweddol y mae angen dull strategol a rhagweithiol i ail-lunio gwasanaethau lleol er mwyn uchaffu budd. Mae darparu cyngor a chyfarwyddyd yr UE wedi ei adnabod fel maes penodol ble gellir dangos gwerth ychwanegol trwy gydweithredu.

2.2 Yn ystod rhaglenni ariannu 2007-2014, darparwyd cymorth technegol, cyngor ac arweiniad gan yr UE trwy gyfrwng prosiect cymorth technegol y Tîm Ewropeaidd Arbenigol (TEA) trwy Gymru gyfan. Roedd y TEA yn gweithredu ar lefel genedlaethol a lleol, gyda'r timau yn gweithio yn adrannau Llywodraeth Cymru, Timau Trydydd Sector wedi'u lleoli yn y WCVA (Timau Ewropeaidd 3 Sector), ac ym mhob un o'r 22 Awdurdod Lleol trwy Gymru.

2.3 Roedd Tîm TEA Ynys Môn yn gweithio yn y Gwasanaeth Adfywio Economaidd a Chymunedol, ond roedd yn gweithredu ar sail Gorfforaethol gan roi cyngor ac arweiniad i'r holl brosiectau a gâi eu harwain gan CSYM, yn ogystal â gwasanaethu sefydliadau allanol ar yr Ynys oedd ynghlwm â datblygu a chyflawni prosiectau a gâi eu hariannu gan Gronfeydd Strwythurol yr UE. Roedd Cyngor Bwrdeistref Sirol Conwy yn gweithredu fel y Corff Arweiniol ar gyfer Prosiect TEA Gogledd a Chanolbarth Cymru, oedd yn cynnwys wyth Partner o blith yr Awdurdodau Lleol.

- 2.4 Daeth y cynllun TEA i'w derfyn ddiwedd mis Mehefin 2015, a bu i'r swyddogaeth Ewropeaidd ddod i ben yn gyfan gwbl o fewn y CSYM. Mae gwybodaeth a sgiliau UE wedi parhau o fewn y Cyngor gan fod aelodau staff wedi symud ymlaen i swyddi gwahanol o fewn y gorfforaeth, fodd bynnag, gallai'r sgiliau hyn gael eu colli pe byddai staff yn symud ymlaen.

3.0 Trefniadau Cymorth yr UE 2014-2020

- 3.1 Fel rhan o'r paratodau ar gyfer Rhaglenni UE 2014-2020, comisiynwyd Dr Graham Guilford i adolygu'r strwythurau a'r mecanweithiau a ddefnyddiwyd yn ystod y cylch blaenorol, ac i wneud argymhellion cadarn ar y ffordd ymlaen. O gofio natur fwy strategol y rhaglenni Ewropeaidd newydd, argymhellwyd yn gryf bod angen gwella sut caiff gweithgareddau datblygu prosiect eu cydlynu yn rhanbarthol fel y gellir eu hintegreiddio'n well a chael gwerth ychwanegol ohonynt ar lawr gwlad.
- 3.2 Pwysleisiwyd gwerth strwythurau rhanbarthol yng nghyswllt eu gwybodaeth leol a'u gallu i gydlynu gweithgareddau er mwyn osgoi dyblygu. Roedd yr Adolygiad yn awgrymu y dylai Swyddfa Cyllid Ewropeaidd Cymru (WEFO) annog a chefnogi gwaith i greu mecanweithiau cynllunio rhanbarthol credadwy i roi mewnbwn i'r 'Fframwaith Blaenoriaethu Ewropeaidd', adnabod y prif yrwyr a darparu cefnogaeth i fecanweithiau cyflawni ar ôl derbyn cymeradwyaeth.
- 3.3 Penderfynodd Swyddfa Cyllid Ewropeaidd Cymru (WEFO) y gellid cyflawni hyn orau trwy sefydlu pedwar Tîm Ymgysylltu Rhanbarthol (TYRh) – Gogledd, De-orllewin, De-ddwyrain a Chanolbarth Cymru – ac mae wedi gwahodd Awdurdodau arweiniol o'r 4 rhanbarth i gyflwyno cynlluniau busnes prosiect. Yn greiddiol i'r gwaith hwn byddai angen i'r TYRh weithio gyda phartneriaethau rhanbarthol sy'n bodoli i sicrhau bod y cynigion a ddaw ymlaen yn integredig, a bod ganddynt flaenoriaethau strategol a thargedau wedi'u cytuno, ac y byddant yn cyfrannu at y weledigaeth gyffredinol ar gyfer datblygiad economaidd y rhanbarth hon.
- 3.4 O ran darparu cymorth technegol gan yr UE, daeth WEFO i'r casgliad fod budd-ddeilaid posib yn ddigon profiadol erbyn hyn wrth ddatblygu a chyflawni prosiectau na fyddai angen y lefel hon o gefnogaeth rhagor. O ganlyniad, ni fydd y Tîm Ymgysylltu Rhanbarthol newydd yn darparu'r un lefel o gefnogaeth ag a roddwyd i brosiectau trwy'r strwythur TEA blaenorol yn nhermau cyngor technegol ynghlŷn â rheoliadau'r UE, paratoi at archwiliadau a chefnogaeth i gau prosiectau.

4.0 Timau Ymgysylltu Rhanbarthol – Rolau a Chyfrifoldebau

- 4.1 Bydd y Tîm Ymgysylltu Rhanbarthol mewn sefyllfa i sicrhau bod gan brosiectau arfaethedig y potensial ar gyfer gweithio'n integredig ar draws yr holl ffrydiau cyllid, ac i amlygu achosion lle mae'n bosib y byddant yn dyblygu darpariaeth sydd eisoes ar waith neu'n cael ei datblygu. Bydd gan y Tîm y gallu i weithio'n strategol ac yn llyfn gyda Bwrdd Uchelgais Economaidd Gogledd Cymru a'i ffrydiau gwaith ynghyd â sefydliadau eraill ar draws y rhanbarth i hwyluso dealltwriaeth ynghylch cynigion am arian o

gronfeydd Ewropeaidd, ac yn benodol sut maent yn cyfrannu at y weledigaeth am fuddsoddiadau pendant, integredig sy'n targedu blaenoriaethau strategol yn y rhanbarth.

4.2 Bydd y Tîm Ymgysylltu Rhanbarthol yn gwneud y gweithgareddau a ganlyn:

Hyrwyddo cysylltiadau rhwng y partneriaid posib yn y gweithrediadau arfaethedig i ddatblygu cydweithio effeithiol a gwirioneddol, fel bod cynigion yn cael cefnogaeth y partneriaethau rhanbarthol;

- Sicrhau bod buddiolwyr posibl yn adnabod partneriaid a'r potensial i gael cymorth o gronfeydd Cydweithredu Tiriogaethol a chronfeydd sector yr UE, e.e. Horizon 2020, i helpu i ddangos pam mae angen arian ESI i gau bylchau ariannu;
- Nodi lle mae gan weithrediadau arfaethedig botensial am weithio integredig ar draws cronfeydd ESI a chronfeydd eraill, a nodi lle mae darpariaethau dyblyg eisoes yn bodoli neu wrthi'n cael eu datblygu;
- Adnabod bylchau a chyfleoedd ar gyfer datblygu gweithrediadau newydd a chydlynu a hwyluso'r gweithgareddau sydd raid wrthynt i fynd i'r afael â'r materion;
- Hwyluso blaenoriaeth ranbarthol i brosiectau a chyfarfodydd brocer;
- Cynorthwyo gyda rhoi prawf ar raglenni a phrosiectau Cenedlaethol i sicrhau gwerth ychwanegol ar lefel ranbarthol.

4.3 Ar ôl arwain eisoes ar y Prosiect TEA yng Ngogledd a Chanolbarth Cymru yn ystod y rhaglen flaenorol, mae Bwrdd Uchelgais Economaidd Gogledd Cymru wedi dewis Cyngor Bwrdeistref Sirol Conwy i gynnal y Tîm Ymgysylltu Rhanbarthol yn ystod rhaglen 2014-2020. Bydd TYRh Gogledd Cymru yn cwmpasu'r 6 Awdurdod Lleol yng Ngogledd Cymru, a bydd yn cynnwys Tîm o 4 swyddogion a fydd yn gweithio ar draws y rhanbarth. Bydd y rhaglen yn cael ei hariannu drwy Gronfeydd Cymorth Technegol yr UE, ynghyd â chyfraniadau arian cyfatebol gan y chwe Awdurdod Lleol (tua £10,500 gan bob Awdurdod yn flynyddol).

4.4 Mae'r Cynllun Busnes yn cael ei asesu ar hyn o bryd gan WEF0 a disgwylir cymeradwyaeth yn ystod mis Chwefror 2016. Y gobaith yw y bydd y tîm prosiect wedi cael ei recriwtio ac yn ei le erbyn 1 Ebrill, 2016

5.0 Argymhelliad

5.1 I dderbyn cynnwys yr adroddiad a derbyn barn / sylwadau ar y ddarpariaeth o gyngor UE o ogwydd Ynys Môn.